



D. O. M.
THESES ANATOMICÆ
ET
CHIRURGICÆ.

EX ANATOMIA.



MECHANICES opus exquisitissimum, juxta strictiores staticæ, hydraulicæ & hydrostaticæ leges motus ad infinitum varios exequens contemplari desideras? corpus humanum præsto est. Fibrillis; vasculis & liquoribus licet constans, ob variam tamen illorum positionem, fabricam, actionem reciprocam, attendenti cum non modicâ voluptate præbet vectes, trochleas, præla, folles, receptacula & ferè cujuslibet speciei instrumenta intus extus-ve agentia; & , miratu quod dignissimum! illata machinæ, si quæ sint detrimenta, organicâ ipsius virtute quàm-plurimum refarciuntur, ut præ cæteris demonstrat de quo mox, generali corporis humani partium expositione præmissâ, sumus acturi, vulnerarium pathema.

CORPORIS humani partes in continentes, contentas, & impellentes sapientissimè ab Hippocrate : in solida & fluida ; solida rursus in dura & mollia non immeritò à physiologicis dividuntur. Satiùs tamen ad propositum nostrum solida in partes similes & dissimiles censemus distinguenda. Fibræ, membranæ, ossa, cartilagine, ligamenta, muscoli, tendines, aponevroses, vasa, glandulæ, nervi & tegumenta communia inter similes ; partes verb ex illis compositæ dissimiles inter annumerantur.

FIBRA, pars sola strictè dicta simplex, est corpus oblongum, admodùm gracile, duabus pluribus-ve elementariis seu terrestribus conflatum particulis, ad cujuslibet partis solidæ compositionem situ, numero & elasticitate varium.

Ex latâ, planâ, tenuissimâ, plûs minûs-ve extensili, flexili fibrarum serie oritur *Membrana* quæ ossa, carnes & viscera partium involvit, partim efformat.

OSSA, præsertim in exoriente foetu spectata, simul congestarum speciem referunt membranarum quæ à circulatorio motu liquorem vehente nutritium per vasa membranæ exterioris, cæteras cingentis (undè *Periosteum* audit), in interiora penetrantis, exquisito sensu donatæ præditæ (a), duritiem & crassitiem sensim ac sine sensu ita compararunt, ut in adultis triplici substantiâ conflata, & totius corporis, cæteras fulcituræ necnon protecturæ, firmissimæ partes evadant.

FIRMÆ sunt insuper substantiæ quædam læves & quadam-tendens elasticæ, ubiquè, nisi in diarthrosi, membranâ periostei æmulâ, à situ *Perichondrio* dictâ indutæ, nullâ cavitate notabili, sed porulis, vasculorum vix conspiciendorum transitûs causâ, (b) donatæ, eisdem ac ossificationis legibus crescentes, in adultis ita durefcentes ut ossa dicas, & *Cartilagine* vocantur : ossium sicut & partium mollium amplificationi, articulationi, symphyssi & suture inferviunt.

EA est ossium & cartilaginum structura ut validam connexionem simul & liberos motus sibi ipsis conciliare non possent ; hinc passim *Ligamenta* seu substantiæ leucophææ, *peridesmo* gaudentes,

(a) Conf. experiment. D. Duverney aët. Ac. R. Sc. an. 1700.

(b) Winsl. Exp. An. Tr. des Os figs n°. 18.

tenaces, fibrosæ, extensionem & rupturam non facillè patientes, quæ cæteras connectunt, continent, & tuentur.

PARTES tam mirificè stabilitas, adjuncto munere fungentès movent *Musculi*, fibris coalescentes mollibus, contractilibus, etiam si ob ingentem quâ involvuntur intermiscunturque vasculorum sanguiferorum copiam ad aspectum rubris, albidis tamen, nervulorum infinitâ propagine intertextis, mediantibusque folliculis oleosis & proprio membranaceo muscoli involucri pullulantibus inter se distinctis, modò pro ventre, modò pro corpore habitis, & in firmiores albescentesque desinentibus fibras quæ, si substantiam utcumquè teretem, acutam efficiant, *Tendinem*; si latam, planam & exilem; *Aponevrosum* constituunt. In utroque eundem numerum fibrarum ac in ventre, nervos pariter & vasa adeste, suppurationes, dilacerationes & Rhuyfchianæ injectiones probè demonstrant.

QUODLIBET corporis punctum vel minimum permeant *Vasa* seu canales conici, elastici, à lateribus communicantes, virtute contractili, plùs minùs - ve, pollentes, quorum parietes textu celluloso, vasculoso, musculari. & nerveo muniti liquida vehunt. In *Arterias* ferentes, salientes, densioris texturæ, & *Venas* referentes, valvulis instructas, laxioris, necnon ambæ rursus in sanguineas & lymphaticas distribuuntur.

Ex alter-utris vasa liquoribus quibusdam peculiaribus ingressum aut egressum præbentia procedunt, & *Secretoria* aut *Excretoria* sunt, quæ, conglobatim vel conglomeratim congesta & tunicâ communi involuta, *Glandulas* efformant. Tùm ad glandulam, tùm ad glandulæ vasculum vel minimum sedulò comes & pedissequum apellit cum arteriâ filamentum nerveum à majoribus nervis oriundum.

NERVI sunt funiculi subalbidi, plerumquè teretes, fibrillis ultrà mentis limites gracilibus, fasciatim dispositis conflati, vasa sanguinea & lymphatica sibi propria habentes, piæ & duræ matris processu induti, ad corporis quodlibet punctum, motuum & sensuum causâ, à cerebro, cerebello & medullâ spinali vergentes, & in pulpam non assignandæ tenuitatis abeuntes.

UNAQUÆQUE modò descripta pars propriis equidem, sed præterea communibus defenditur *Tegumentis*: cellulæ nimirum membraceæ, vasis sanguiferis, lymphaticis, nerveis donatæ, oleoso aut

lymphatico liquore turgentes cuti substernuntur, & penitiores corporis recessus ubique (a) penetrant, lubricant.

CUTIS, alterum integumentum commune, fibris tendineis, nervis, vasis sanguineis, lymphaticis intertexta, elastica, in internâ superficie miliares, & sebaceas Morgagni continens glandulas *Corium* habetur, ex quo protuberant nervulorum, ad organum tactus, apices mucosâ faciliè spissescendâ substantiâ vasculosoque textu in debito tensionis gradu servati. Illis pellucida, cuti strictis, sed fragilibus filamentis adhærens, squammulis à corpore mucofo densato productis composita (b), porulis ad sudoris, perspirationis, medicamentorum aditum exitum-ve, cutis ad instar, pertusa, vasculis, saltem arte detectis, expers membrana, *Epidermis* cognita; custos & tutrix superexpanditur.

SINGULAS microcosmi vias attentè perflustra, & hætenus enumeratas partes quidquid in ipso solidi, nunquam satis laudandâ dispositione, efformare haud ægrè percipies.

FLUIDA, corporis humani partes alteræ, (de quibus dicere nobis non vacat) cum solidis mutuam mirandumque agunt commercium. Qualitate enim & quantitate requisitis donata, solida dummodò integra, elastica, libera nec obstructa alluunt, nutriunt, augent, movent, vicissimque moventur; fin., contrâ.

EX CHIRURGIA.

VULNUS naturæ sanatricis & auxiliatricis Chirurgiæ necessari concursus argumentum vincens. Hinc in vulneribus curandis naturam adjuvare & non perturbare Chirugi sit unica mens; hinc naturæ adversantia, horum-ve effectus & ipsius naturæ conamina diligenter annotet.

SIMILARIBUS & instrumentariis partibus vulnus *pathema* commune (c) pro solutione quâlibet continui apud veteres; strictius nunc pro recenti, cruentâ, in mollioribus duntaxat aut in duris simul corporis partibus (d) solutâ cohæsiione sumitur.

(a) Boerh. Inst. M. 55. 416. præf. aphrosidiac. (b) M. Gareng. Splanchn. p. 24. (c) Galen. Art. M. Cap. LXXXVIII. (d) Heist. Inst. Ch. p. 1. l. 1. p. 42.

QUODCUMQUE corpus extraneum dividere potens; tamquam communem causam agnoscunt vulnera; nihilominus tum ex parte ipsiusmet causæ, tum ex parte ipsorum magnitudinis, figuræ, directionis, sedis, simplicitatis, compositionis & complicationis non inadvertendum discrimen reperitur.

ANTECEDENTIA vulneris in memoriam revocare, ipsummet vulnus inspicere, excreta olfacere, gustare, cum Galeno actionem læsam, situm vulneris, speciem doloris, excreta & retenta; accidentia propria perpendere, ut media ad vulneris *Diagnosim*, utilia, quandoque sufficientia adhibeantur: ope specilli, injectionum, vulnus perlustrare, ferè semper ut infida, noxia encheiresis rejiciatur.

EXPLORATAM vulneris *diagnosim* ad curationem conducere; certam verò *prognosim* & ad curationem vulnere & ad fiduciam vulnerari Chirurgo conciliandas maximè conferre cuius comperitum est: festinans ergo nimium nil proferat Chirurgus, sed prius causas, essentiam, situm vulneris, partes affectas sedulo perquirat, & accidentia præsertim ponderet ex æquo.

ACCIDENTIA aut statim & primitivè, talia dolor, hæmorrhagia, convulsio, paralyfis, syncope, aut post aliquod à vulnere temporis intervallum sæviunt; huiusmodi sunt pruritus, inflammatio, febris, alvi fluxus, materiæ purulentæ suppressæ, resorbæ, apostemata, gangræna.

MALO cognito, accidentibus prævisis, quid agendum velit natura ex phænomenis ediscendum In vulnere simplici & minori partes à se invicem recedunt, integras distrahunt, sanguis plùs minùs-ve effluit, paulò post sistitur, in coagulum, crustam vertitur; in majori verò & substantiâ deperditâ aut contusione complicato, hæc præter, latex limpidus, ichorosus subsequitur, partes vulneris vicinæ tument, rubent, dolent; febris vulneraria supervenit; tertio vel quarto die humor subalbidus, glutinosus, *pus* exoritur; detumescunt, pallescunt vulneris labia; dolor, febris remittunt; ex imo vulnere succrescere videtur nova caro, quæ paulatim summum vulnus adæquans arefcit & siccam efficit cuticulam, deinceps in ratione substantiæ deperditæ deprimendam, *Cicatricem* vocant. Porro hæc symptomata, quorum Aitiologia ex Anatomicis positionibus faciliè deducitur, nec adeò, nec

tamdiu conspiciuntur, si vulneris oræ post modicum sanguinis efflu-
vium ad se invicem approximentur & ab aëre externo protegan-
tur; ergo ut sanguis modicè fluens non subito cohibeatur, sed post
temperatam effusionem vulnus coadunetur & ab aëre externo prote-
gatur natura postulat.

A D coadunationem vulneri conciliandam. 1°. Huic obstantia
removeantur, itaque corpora extranea exeresis ope, morbi per
Therapeuticem ipsis propriam & accidentia methodo debitâ proffi-
gentur. 2°. Remotis aut minutis quantum fieri potest impedimen-
tis, si vulnus ob contusionem aut amissam substantiam ita se habeat
ut oræ ad se invicem approximari nequeant, naturæ gradatim ope-
ranti & suppurationem præcipienti obsequendum; intereâ nihilo-
minus faveant approximationi situs & deligatio. Si verò contigua
fieri possunt, ut retineantur non solum modò situm idoneum &
deligationem aptam, sed & futuras suppeditat ars provida.

SUTURA est operatio Chirurgica quæ mediantibus aut em-
plastris agglutinatoriis, aut acubus, filo, & fibulis, vulneris oras
approximatas continet; illa notha, quæ *agglutinatoria* seu sicca,
hæc vera, quæ *humida* seu cruenta dicitur. Sutures omnes ab anti-
quis decantatas non recensemus: quamplurimæ etenim ut inutiles,
crudeles, noxiæ à recentioribus, uno ore & unâ mente, meritò re-
jiciuntur; & quædam, *nodosa* scilicet, *pellionum*, *circumvoluta*,
quas simplices nuncupant, *clavata*, quam compositam, solæ supersti-
tes remanent: nodosam, cuti, musculis, vasis; pellionum, intesti-
nis; circumvolutam, labro leporino, & clavatam, musculis abdomi-
nalibus plagiisque altioribus ut sacram anchoram injicere mos est.

QUIDQUID tamen ex futuris sperandum veniat, illas offibus
& cartilaginibus prout impossibiles; valdè contusis, velenatis,
penetrantibus in thoracem, assiduis & necessariis motibus agitatis
vulneribus, prout noxias, & cæteris cujuscumque speciei quoties
situs & deligatio coadunationi conciliandæ non sunt impares, prout
inutiles à sanâ methodo non injici, in memoriam revocet Chirurgus:
his enim positis, rarum futuris locum dari faciliè percipiet. Et qui-
dem vulnus, vel juxta longitudinem corporis, cuti & musculis in-
fligitur, & tunc fascia *Uniens* summum remedium; vel, juxta lati-
tudinem, musculis extensoribus aut flexoribus, adductoribus aut
abductoribus &c. & extensio aut flexio, adductio aut abductio &c.

partis læsæ, deligationis ope firmatæ, perfectam cohæSIONem pelli-
cere queunt; vel etiam obliquè, & tunc sitûs & deligationis auxilio fu-
tura licca quâ Adræas à cruce & Paræus felicium successu utebantur
prodesse poterit (a).

Nec est quod dicas musculos fortiores per situm & deligationem
non satis approximari aut approximatos non; ut par est, contineri
posse; musculus enim si non irritetur, quandò stat immotus, latus
est, flexioni, extensioni &c. juxta motum sibi nativum obedit; imò
in longum faciliè extenditur, annotante illustrissimo D. DE LA
PEYRONIE (b): Hunc ergo vis etiam mediocris, ac proinde sple-
nialemius ritèque disposita, cum fasciis à sagaci Chirurgo circum-
ductis, in statum competentem coercere valebunt. Si verò jam irri-
tetur, nonne malum acrius exasperabunt futuræ?

TANDEM musculi omnes & ossa partis intersecindi possunt, &
tunc sitûs & deligationis efficacitatem experiri non minùs juvat (c).

TENDINUM, aponevrosium & partium nervearum unionem
per futuras humiditas, ex quo præsertim quàm agrè ferant partes
illæ puncturam vel minimam, & quàm tutò & commodè absque
filo & acubus coadunari possint demonstratum est (d), tentare nefas.
Ob easdem & supradictas (p. 6. l. 29. & seq.) rationes musculo-
rum abdominalium vùlnera acu & filo continere minùs illicitum
immeritò crederes. Non sic tamen de labio leporino à nativitate &
cum magno recessu censendum putamus, hoc-ce enim in casu partes
à se invicem jam pridem discessæ non, ut par est, deligationi ob-
temperant; nec etiam de vulneribus intestinorum, ob sæces jugi-
ter effluxuras, & alio modo non sistendas.

VASA præcisâ agarico querno, vel sagino sæpè sæpiùs, non-
nunquam tamen, in dissolutâ nimirum sanguinis crasi, & ubi com-
pressioni denegatur locus, acûs & fili beneficio restringenda esse
experientia docet.

(a) Paré, Liv. 10. des Pl. en part. ch. 32. (b) Tr. de la Gang. par M.
Quesnay, p. 154. (c) Dion. Opér. comm. p. 738. Obs. de M. de LAPEY-
RONIE (d) Tr. Gang. par M. Quesnay, p. 105 & suiv. Malad. des Os par M.
Pett. tom. 2; chap. XV. Dion. Opér. comm. p. 726.

VULNERIS coadunatione five per situm & deligationem, five per futuras servatâ, nec à Mechâ, nec à Peruvio, Judæâ &c. balsama magno sumptu expetere necessum; vulnus tantummodò, generali non omisâ *Prophylaxi*, ab aëre externo protege, aquam tepidam aquæ vulnerariæ permixtam, aut balsamum Samaritani solutæ cohæsioni imponendo, necnon rarissimè deligando; & eosdem, nec minus salubres quàm balsamorum extraneorum, effectus videbis affluentes. (a).

(a) Bellost. Chir. d'Hôp. p. 74 & 290. tom. 1.

Has Theses, DEO JUVANTE, & præside M. ROCHO DUBERTRAND, in Universitate Parisiensi Artium & Chirurgiæ Magistro, necnon antiquo Scholarum moderatore, tueri conabitur STEPHANUS-PETRUS LELAU MIER, Parisinus, eâdem in Universitate Artium Liberalium Magister.

P A R I S I I S ;

IN REGIS CHIRURGORUM SCHOLIS,

Die Lunæ 30^æ. Julii à sesqui-secundâ post meridiem ad Septimam. anno Salutis 1753.

PRO ACTU PUBLICO

ET

MAGISTERII LAUREA.

Typis DELAGUETTE, Regii Chirurg. Collegii
Typographi. 1753.